

欽定中樞政考

欽定中樞政考目錄卷之四十

綠營

營造

鳥鎗箭枝式樣毋得輕改舊制

王命旗牌令箭定式數目

鎗靶定式

箭靶定式

查驗各營兵丁腰刀

修製軍械逾限

修整軍器

預指俸餉製造軍器

收貯盈餘器械

撥補軍器

軍械完固毋庸屆限修製

庫貯軍械未屆年限損壞

屯防處所庫貯軍械損壞

軍械破壞匿不修製

軍營更換帳房鑼鍋等項定限

巡視青海會盟兵丁更換帳房鐵鍋等項定

限

換防兵丁攜帶軍械修製限期

出師官兵應給鍋帳數目

出師官兵攜帶軍械如有損壞隨時修製

出洋捕盜軍火器械准其隨時補製

修製軍裝器械分別奏咨辦理

直省各營製造棉盔棉甲

各營庫貯銅鐵軍器回火抵用

各州縣查辦庫貯銅鐵器械

修造戰船

包修戰船

各省戰船照商船式樣改造

修造內河巡哨船隻

混詳修船

巡船禁止彩畫

修理墩臺營房

應建兵丁房屋

添建營房率行請銷

承築土壩

搶護河工漫口

黃運河工保固

直隸河工保固

防護城垣

議敘辦理城工官員

踴坊議敘

栽種樹木葦柳

沿河官地栽種楊樹

完繳葦柴

燒燬河工料物

河標葦蕩營兵丁拔補外委

河工廳營互相稽察

烏鎗箭枝式樣毋得輕改舊制

嘉慶七年五月內奉

上諭玉德奏營伍操演鎗箭請除去鎗上所釘星斗並  
請射靶俱改用梅針箭一摺所奏大屬紕謬施放烏  
鎗全憑鎗上所釘星斗爲準若平素演習精熟自能  
便捷命中今玉德因閩浙營兵放鎗遲慢手顫欲將  
星斗除去殊不思兵丁等執鎗手顫自因演習生疎  
所致應卽將該兵丁等責懲豈除去星斗卽不手顫  
乎至所稱軍營用箭皆係梅針營兵操練射靶所用



鏹子箭頭輕翎大不過架勢飾觀應改用梅針箭等語亦不成話箭枝式樣種種不同各適於用其箭鏹翎羽之輕重總視弓力爲準如射鵠則用飽頭射靶則用鏹箭射牲則用鈇箭臨陣則用梅針隨地異宜總在發矢有準如果將鏹箭演習純熟卽易用梅針必能一律命中若平日操演必須改用梅針方能射賊則樹侯設正亦非臨陣時所用豈有以人爲的竟將應死罪囚試演射藝之理真所謂無知瞽說矣我朝武備整齊已矢鎗礮最爲軍營利器法制精良百

世不易乃玉德輒思變改舊章此奏若出於提鎮漢  
員內已屬不經況玉德係滿洲總督竟於本朝武備  
成法懵然不知率議更張尤爲謬妄玉德著拔去花  
翎傳旨嚴行申飭仍交部議處嗣後八旗各營伍及  
督撫提鎮等惟當將各營官兵勤加訓練以期技藝  
嫻熟悉成勁旅毋得妄逞臆見輕改舊制將此通諭  
知之欽此

王命旗牌令箭定式數目

雍正三年六月內奉

旨各直省督撫提鎮舊例均有頒發王命旗牌所以重節鎮之權崇天室之威也但傳守既久或遇地方卑濕蟲蛀漆剝或因閱歲滋多形製毀敝而該督撫提鎮等以旗牌損壞例當衆處但藏之神苟不敢修整甚有預防損壞將所頒旗牌收貯照樣另造者尤爲不可嗣後各督撫提鎮所頒王命旗牌務須加謹收護勿致損傷亦不得另造其有地方卑濕閱歲滋多

不免蟲蛀漆剝形製毀敝者從寬免其處分聽其一  
面照式整修一面咨部特諭欽此

一

王命旗牌旗色藍方廣二尺六寸兩面銷金清漢令  
字各一清漢令字上各鈐兵部印旗杆一長  
如旗木頂朱緯髹牌檄木質通高一尺有二  
分圓徑七寸五分厚一寸朱髹上刻荷葉形  
綠髹牌二面刻清漢令字各一懸於槍上槍  
長八尺榆木爲之鐵槍槍冒髹以黃繪龍垂

以朱髻牌邊槍杆均刻清漢令字第幾號填以金俱由工部製造後將旗而移送兵部鈐蓋印信給發

一旗牌經畧定十二副總督掛印總兵官各十副巡撫提督八副總兵官五副

一令箭旗面大將軍將軍將軍督撫提鎮均用三角旗駐防將軍都統副都統均用方旗咸以雲緞爲之三角旗高一尺八寸斜長三尺下濶

二尺四寸大將軍將軍將軍本旗色督撫提鎮黃

色方旗高一尺五寸五分濶九寸五分均銷  
清漢金令字及清漢官銜箭鏃以鐵爲之二  
面鍍銀清漢令字下鍍銀清漢十二辰字由  
工部製造移送兵部配製箭羽鈐印頒發

鎗靶定式

一各省營中鎗靶式樣毋得過於寬大演放坐鎗其靶高二尺寬九寸厚一寸座長一尺二寸寬五寸厚三寸演放立鎗其靶高五尺寬二尺厚六分

箭靶定式

一各省營中演箭布靶式樣高四尺七寸寬一尺如有擅用高寬布靶者查明叅奏照違

制例議處



各營兵丁腰刀

各營汛兵丁所帶腰刀該管官不時點驗如

有白鐵無鋼者經該管督撫提鎮委員查出

將兵丁重責革伍該管官照例議處

例載處分則例

軍器門

修製軍械逾限

一直省各標營修製行軍攜帶軍械應聽各該省總督巡撫酌量緩急臨時定限辦理如不依限速完以致遲誤將承修承製督修督製之員嚴叅議處修製尋常操演及換防需用各軍械俟報明兵部覈准後卽令領項興工如物料工價二百兩以內者限一箇月五百兩以內者限兩箇月一千兩至二千兩以內者限三箇月三千兩至五千兩以內者限四

簡月承修官員依限修製如式完竣卽行詳  
請總督巡撫提督總兵派委妥員逐細查驗  
造具冊結將何日奉到部准日期及興工完  
工各日期於覈銷工料文內詳細聲明以憑  
稽覈如不依限完竣者將承修承製督修督  
製之員附叅議處

一凡官員製造緊急軍器不依限速完遲誤者  
承製官督製官與總督巡撫提督總兵分別  
議處若修製尋常操演及換防需用各軍械

如有貽誤承修承製官逾違不及一月者免  
其議處自一月以上至五月以上者按違限  
月分分別議處督修督製之員違限自一月  
以上至五月以上者亦按違限月分分別議  
處總督巡撫提督總兵違限一月以上者免  
議自兩月以上至五月以上者亦按違限月  
分分別議處如承修承製之員玩視軍儲將  
應領之帑延挨請領者按其違限月日照修  
製逾限例分別議處倘該上司故意勒措以

致遲誤者將該上司照例議處承修承製官

免議

例載處分則  
例營造門

修整軍器

一直省各標營額設軍械無論銅鐵木革綱布均應妥爲收貯遇有損壞詳請督撫提鎮派委文職知府以上武職遊擊以上大員令其切實查明已逾應製應修年分實在損壞者加具印結申詳該督撫造冊送部查覈准其動項修製工竣之日委員查驗造具冊結報部覈銷換下銅鐵回火抵用每十觔准折耗二觔不准作荒銅鐵覈銷其餘舊料變價抵

用倘有未屆年限竟至損壞不堪演用者如  
係經管之員收藏不慎照例議處仍將原械  
開銷之價按其未滿年限作爲分數勒令賠  
補如係承辦之員偷減工料查明不及定限  
之半者責令全行賠補已逾定限之半者將  
原械開銷之價按其未滿年限作爲分數勒  
令賠補承辦之員追不足數於各上司及驗  
收之員名下追賠仍將承辦之員革職提問  
失察之上司及查驗不周之委員照例分別

議處  
例載處分則  
例營造門



預指俸餉製造軍器

一各直省綠營兵丁自備軍械內弓箭撒袋腰刀遇有年久損壞無力修製者准其預指餉銀製造由各該營查明軍械名目件數詳報總督巡撫造具工料清冊咨送兵部覈准後卽行動項派員製給其用過工價銀兩在於兵丁錢糧內作二十箇月扣完如兵丁遇有事故缺出將原製軍械給與新頂補之人其未完工價卽在頂補之人應領錢糧內照數

接算扣抵還項至借動銀款及應扣銀兩俱

令造報戶部查覈

收貯盈餘器械

一直省各標營盈餘器械如有混行銷燬遺失  
或堆貯潮濕地方以致銹壞者將該管官照

例議處

例載處分則  
例營造門

仍令照數賠補

撥補軍

直省各標營額設軍械逾限損壞如該營尚有存貯盈餘軍械卽照數撥補毋庸另行製造仍將撥補之處詳明該管上司報部備案並將損壞軍械銅鐵觔重咨部查覈遇有製造別項器械准其照例撓抵應用其餘舊料據實變價報撥

軍械完固毋庸屆限修製

一各直省庫貯軍械雖逾定限尚屬完固整齊者毋庸拘泥限期修製致滋糜費如有限期雖屆將完固軍械因有例定年限率行報部冒混修製者別經發覺除不准其開銷外將查驗不實之各上司及冒混請修各官一併

從重議處

例載處分則  
刑軍器門

庫貯軍械未屆年限損壞

一各直省庫貯完好軍械無論銅鐵木革綢布均應安置高燥處所勿令經受潮濕倘不加謹收貯未屆年限竟至不堪演用者將收藏不慎之員交部議處仍將原械開銷之價按其未滿年限作爲分數勒令賠補

屯防處所庫貯軍械損壞

一新疆屯防處所庫貯鎗礮遇有操演年久損壞炸裂不敷配用准該處據實報部行令該省督撫於各標營盈餘軍器內酌量撥給交換班官兵帶往補換其損壞之件仍交班滿兵丁帶回內地標營辦理

軍械破壞匿不修製

一各直省庫貯軍械未屆年限破損該管官恐  
干吏議任其廢棄匿不詳請修製者該督撫  
於閱操之時查明叅奏照例議處

例載處分  
則例軍器

門



軍營更換帳房羅鍋等項定限

一征防官兵隨帶之夾帳房大涼篷按八箇月  
單帳房小涼篷按四箇月各准其更換十分  
之五以次遞加增換其隨配帳房之羅鍋銅  
椿鍋撐鐵鉤鑊頭鐵斧鎌刀鐵鋤鐵鋤鐵錘  
等項計及三年准其更換一次換下各項銅  
鐵妥爲收貯卽將觔重數目報部查覈遇有  
製造軍械之時卽取此項銅鐵照例回火抵  
用報部開銷其餘舊料據實變價解交藩庫

報援

巡視青海會盟兵丁更換帳房鑼鍋等項定  
限

一甘肅省巡視青海及玉樹等處會盟兵丁攜  
帶之夾帳房按六次計及十箇月單帳房按  
三次計及五箇月各准其更換十分之五以  
次遞加增換其隨配帳房之鑼鍋鐵鑊攜帶  
二十次計及三年實有破損准其貼換換下  
各項銅鐵妥爲收貯即將觔重數目報部查  
覈遇有製造軍械之時卽取此項銅鐵照例

回火抵用報部開銷其餘舊料據實變價解

交藩庫報撥

換防兵丁攜帶軍械修製限期

一直隸山西陝西甘肅等省兵丁前往西北兩  
路新疆換防攜帶盔甲等項均按照例限修  
製至銅罐等項如實有損壞令各該省確切  
查明報部在其隨時修製

修製年限詳  
見軍器則例

出師官兵應給鍋帳數目

一出師官兵支給鍋帳一品官連跟役給鍋帳  
四頂副二三品官連跟役給鍋帳三頂副四  
五品官連跟役給鍋帳二頂副六品以下官  
連跟役給鍋帳一頂副兵丁四名鄉勇五名  
長夫十名各合給鍋帳一頂副隨營總理辦  
差道府糧務同知通判知州知縣佐雜等官  
各照出師官員之例按品給與鍋帳

出師官兵攜帶軍械如有損壞隨時修製

一出師官兵攜帶軍裝器械先行咨報兵部備案於凱撤回營之時派委州縣以上支員會同該管將備確切查驗將帶同堪用之件儘數歸額其損壞各件准其隨時修製如有浮冒經部查出或別經發覺將查驗及承辦各營員嚴叅議處

出洋捕盜軍火器械准其隨時補製

一水師省分出洋捕盜用去軍火及損壞軍裝器械准其隨時補製於各營解司支存公費銀兩內動用造冊報部查覈



修製軍裝器械分別奏咨辦理

直省各標營遇有應行修製軍裝器械需用銀數在一千兩以上總督巡撫先將撥缺帶缺並添新及逾限各械開明名目件數原製原修年分及損壞實在情形於摺內詳細聲敘專摺具奏俟兵部覈准後再行造具冊結題估估准後再行動項辦理如銀數在一千兩以下仍造冊咨報兵部按例覈明候撥准之後方准動項修製請銷

如同  
一標營同時  
修製軍裝器械需

用銀數在一千兩以上者不  
准分案咨報仍照例具奏  
如不先行分別

奏咨不待題估以及不候兵部覆准擅自動  
項修製報銷者將承辦轉詳出咨各官照添  
建營房率行請銷例議處

直省各營製造棉盔棉甲

一直省各標營棉盔棉甲遇有逾限損壞及缺額者應令各該處動項修製

各營庫貯銅鐵軍器回火抵用

一直省各標營廢鎗廢礮及一切火器皆係精熟銅鐵報部存案妥爲收貯不准變價遇有製造軍器之時卽取此項銅鐵照例回火抵用報部開銷

各州縣查辦庫貯銅鐵器械

一 直省各州縣庫貯一切殘廢銅鐵器械及收  
繳入官礮位刀鎗等項各該督撫隨時飭查  
如有堪用之件酌撥就近營汛應用其殘廢  
不堪適用者不准銷鎔變價卽將觔重數目  
移知就近營汛遇有鑄造軍器之時領取應  
用並每年年終將移交各營駐用器械件數  
及存貯殘廢銅鐵觔重分晰造冊咨送兵部  
查覈

## 修造戰船

一各省修造戰船副將會同道員領價副將遴委都司守備等官協同府佐辦料修造如將軍所轄船隻遴委叅領以下等官同領同辦凡屆修造之年各該營於五箇月前將應行小修大修拆造船隻查明呈報該上司覈實轉咨一面移會承修官查照題定小修大修拆造之價值備具冊結領銀廣東福建浙江江南江西湖廣等省於修期兩箇月之前領

銀備料粵之瓊州閩之臺灣於四箇月前領  
銀備料山東於八箇月前領銀備料各該營  
俱於屆修之前一月底將船隻駕赴廠所承  
修官卽於次月興工依限報竣如該營員於  
屆修之年不將應修船隻依限查明申報以  
及屆修之前一月底不將船隻駕赴廠所遲  
延者照例分別議處如承修之員玩視船工  
將應領之帑延挨請領與該上司故意勒掇  
以致遲延者將該上司俱照例分別議處

處分則例  
營造門  
承修官免議

一承修督修各官如有修不如式不能堅固未  
至應修年分損壞者著落承修官賠六分督  
修官賠四分仍將承修官革職督修官照例  
議處至小修限三箇月完工大修拆造限四  
箇月完工山東省小修仍限三箇月完工大  
修限五箇月完工拆造限六箇月完工倘有  
貽誤船工違限自未及一月至四箇月以上  
者將承修督修各官與將軍提督總兵均按



其違限月分照例分別議處違限五月以上

者承修官革職督修官與將軍提督總兵照

例議處

例載處分則  
例營造門

一承修官將未經修完船隻捏稱完工轉報者

承修官革職督修官與將軍提督總兵照限

議處如承修官申報未完督修官作完申報

者督修官革職承修官照限議處如承修督

修官申報未完將軍提督總兵捏報完工者

將軍提督總兵革職承修督修官照限議處

例載處分則

例營造門

一交戰船時兵丁人等藉端勒索使費者將該

管將弁照衙役犯贓例議處

詳載衙役犯贓例內

若武

弁需索者革職提問將軍提督總兵知所屬

員弁需索情弊不行揭報題叅者照例議處

至屆修造之期該管船隻將弁若不將船上

什物交代清楚致頭舵兵丁人等私行偷賣

因而短少殘缺者除頭舵兵丁人等治罪分

別追賠外將該管將弁並不查叅之該管

上司分別議處  
例載處分則  
例營造門

包修戰船

一 水師修造戰船如有不肖營員希圖射利包修者將承修官與包修官俱革職督修官照御底例議處將軍提督總兵照例議處

例載處分

則例營造門設

各省戰船照商船式樣改造

乾隆六十年十二月內奉

上諭本日據蘇凌阿奏修造驛站船隻一摺係內河應修船隻自應覈實辦理因思沿海一帶設立水師戰船原爲海洋緝捕盜匪之用全在船身便捷若過於笨重豈能追捕賊匪可見此項船隻於外洋追匪捕盜不能得力每屆修造需費尤多徒爲承辦之員開銷沾潤地步節經降旨令沿海各督撫將現有官船照依商船式樣一律改造以爲外洋緝捕之需著再

通飭沿海各督撫遵照前旨將此項戰船輪屑拆造之年俱照商船式樣一律改造既於追捕盜匪駕駛靈捷足資應用而於修造浮費亦大有節省該督撫等務當實力妥辦以歸實用而省浮費將此通諭知之欽此

嘉慶二年四月內奉

上諭各省戰船向因船身笨重遇有追捕盜匪之事駕駛不靈動須添雇民船非吉慶奏請浙省戰船仿照民船改造一事已照所請行東省戰船亦經王德奏

請照浙省改造其餘沿海省分戰船自當於應行拆  
建之年俱照吉慶所奏一律收小仿民船式樣改造  
以便操防而收實效著傳諭沿海省分各督撫詳查  
照此陸續改辦欽此

修造內河巡哨船隻

一修造內河巡哨船隻照戰船扣限如有逾違

不及一月者免其議處其逾限二月以至五

月以上者承修督修各官分別議處

例載處分則例

營造門

一內河水師各營巡哨船隻隨時查驗如輪應

大修小修之期呈報上司委員確切估勘照

例分別題咨報部請修若例價不敷辦料修

造許承修官據實詳明另行估增若承修監



修員弁並不據實詳明增估任聽工匠搭用  
舊料以致工程苟簡將承修監修並查驗不  
實率行出結各官照例分別議處

例載處分  
則例營造

門

混詳修船

一凡不應修理船隻限前混行申詳修理者都司守備千總把總並轉報之副將叅將遊擊以及具題之將軍提督總兵照例分別議處

例載處分則  
例營造門

巡船禁止彩畫

一各省戰船准用彩畫以壯觀瞻至巡船原爲  
改裝密緝盜賊之用應概照民船油飾不准  
彩畫以資巡緝

修理墩臺營房

一各省墩臺營房該汛弁會同地方文職查明  
修建嚴督兵丁加謹保護如該汛弁疎縱兵  
丁任意作踐拆毀者照例議處仍著落賠修  
兵丁重責革伍該管將備不行查出揭報者  
照例議處至汛弁離任時將墩臺營房交代  
取具接任官戳結詳報存查倘在任之日不  
肯查明協同文職修葺致有坍塌經後官詳  
揭者將該汛弁照例議處仍著落賠修若該

金匱要略卷之四  
弁無力著落平日不行嚴查之將備分賠如  
接任官濫接卽著落接受之弁賠修或墩臺  
營房並無缺損接任官故意勒捐者照交代  
勒捐例議處

一墩臺營房遇有坍塌傾圮之處專汛武弁隨  
卽詳報係總兵官所轄者卽責令總兵官卽  
將所轄者卽責令副將會同地方官親往

勘實因風潮坍塌工大費繁者呈報提督移  
報總督嚴明估報捐項興修如因節年坍塌

者著落節年不行黏補之地方官賠修其未  
經總兵官副將查勘之處毋得濫請動項興  
修如專汎之弁不卽詳報者該管將備揭報  
題叅將該汎弁照例議處

例載處分則  
例營造門

應建兵丁房屋

一綠營增募兵丁內地各營專募土著之人充  
補毋庸議給兵房其孤懸邊外由內地募補  
者每兵一名給房一間至移駐兵丁如原有  
官房者將舊駐房屋變抵仍准如數建給責  
令現住兵丁隨時黏補不准援照熱河

駐蹕之地差務較多營分率請動項修葺

添建營房率行請銷

一各省汎地添建營房墩臺等項一千兩以上督撫具題一千兩以下報明兵部入於彙題案內俟覆准之後方准動項建造請銷如不候部文擅自動項添建報銷者將承辦之員照擅自動支例議處轉詳官照率行詳轉例議處

議處

例載處分則  
例營造門

率行出客之督撫交吏部

議處



# 承築土壩

一江南山東河南黃河兩岸灘地每年霜降後  
營汛各官將衝刷支河幾道長寬深淺丈尺  
若干應築土壩幾道高矮長寬丈尺若干逐  
一親加確勘移會地方官覆勘覈計土方數  
目先儘兵夫力作將額積土方分派兵夫堵  
築如兵夫額土不敷地方官卽撥民夫堵築  
統限霜降後一月內會造清冊詳道覈轉定  
限次年春融興工桃汛前如式完竣結報該

管河道親驗轉詳經過伏秋汛後所築土堤  
並無坍塌承築官加一級二年内無誤准加  
一級隨帶三年內始終無懈於河道實有裨  
益該總督巡撫保題以應陞之缺卽行題補  
如於水落後不卽親勘估計移會印信覆勘  
及挑汛前不能完竣者將經管官並兼管官  
照例分別議處例載處分則總河交吏部議  
處如有坍塌及衝决奪溜情事查明揭參自  
一處至二處奔杵不堅並一丈至四丈不堅

滿合式者照例分別議處

例載處分則

至三

處夯杵不堅並五丈以上不豐滿合式者革

職兼管官所轄分管官自一員議處至三員

議處者照例分別議處

例載處分則

至四員

以上議處者革職如議處議敘相同准予抵  
算如係兼管官揭叅者免其連坐

搶護河工漫口

一河工漫口在工員弁如能搶護平穩合龍迅速者該河道總督分別等差送部議敘兵部將列爲一等各員准其紀錄二次二等各員紀錄二次三等各員紀錄一次

黃運河工保固

一黃河水勢洶湧與運河不同修築黃河堤岸  
定限保固一年運河堤岸定限保固三年如  
黃河堤岸半年內運河堤岸一年內衝決者  
將修防守備千總把總外委等官均行革職  
遊擊叅將等官照例議處如黃河堤岸過半  
年運河堤岸過一年仍在限內衝決者將修  
防守備千總把總外委及遊擊叅將照例分  
別議處如過固限衝決者將管河各武職革

職留任戴罪修築遊擊叅將住俸督修工完  
開復若固限之內修築之官已去而防守之  
官疎忽致有衝決者將原修防守之官一體  
處分其限內本官所修堤岸衝決隱匿不報  
未經衝決處所申報者將修防各武職革職  
遊擊叅將照例議處

例乾處分則  
例河工門

直隸河工保固

一直隸河道工程令該管官各分工段照例保  
固如有提岸修築不堅以致衝決者該督題  
叅係一年內衝決者將該管武職並兼轄上  
司照例議處例載處分則一年外衝決者該  
管武職俱革職留任戴罪修濬兼轄上司生  
俸督修均於完日開復

防護城垣

一各省城垣令營汛員弁一體稽察如遇坍塌  
立即移明州縣修理若陞調離任照例查明  
交代具揭詳報倘有隱匿將該汛弁照隱匿  
不報例議處故意勒指者照例議處

例載處  
分則例

營造



議敘辦理城工官員

一新疆辦理城工完竣經該管大臣以辦理奮  
勉奏請議敘者兵部將管理之員准其加一  
級督催之員紀錄二次

踹坊議敘

一蘇郡踹坊四百五十餘處輪點六人爲坊總  
四人爲坊長稽察匪類如果能盡心稽察三  
年之內並無踹匠爲匪給以外委把總虛銜  
以示鼓勵倘伊等有能學習弓馬人材可用  
者由地方官考驗移營入伍選拔

栽種樹木章柳

一各省武職官員有能自出已資在於官山官地栽種樹木三年後培養長成該總督巡撫委員查驗數目造冊送部議敘成活五千株者紀錄一次一萬株者紀錄二次一萬五千株者紀錄三次二萬株者加一級其有陞遷事故者將所種成活樹木造入冊內前後交代以專考成其山東江南河南捐栽柳樹畝

捐栽畝如捐資種葦一頃者紀錄一次二頃

者紀錄二次三頃者紀錄三次四頃者加一級

一山東江南河南各河營每兵一名每年栽柳一百株運河每兵一名每年栽柳二十株將栽過成活柳株數目造冊送部查覈若不能如數栽植者將專汛之千總把總守備等官照例議處倘或栽植柳秧不及一半者專汛之千總把總降職一級暫留原任戴罪補栽

守備照例議處

例載處分則  
備河工門

沿河官地栽種楊樹

一河南山東附近河道武弁於沿河官地內捐  
資栽活小楊樹五百株者紀錄一次一千株  
者紀錄二次一千五百株者紀錄三次二千  
株者加一級如栽不及議敘之數准其次年  
補栽將栽成楊樹責令該管汛弁收管培養  
倘有枯損偷盜在一百株以內者責令賠補  
至一百株以上者照例議處

例栽處分則俟  
例河工門

賠完之日開復若將民地指爲官地強佔栽

種希圖議敘者照強佔官民山場河泊律治

罪

完繳葦柴

一江南葦蕩營額柴按年照數清完依限運交

如有逾限未完者將該管千總把總守備叅

將等官各按照未完分數分別議處

例載處分則例

河工均勒限一年照數督催全完開復如仍

逾限不完照所欠柴束分賠千總把總賠六

分守備賠三分叅將賠一分賠完之日俱准

其開復如額柴之外餘柴至十萬束以上者

給予議敘再有增者其議敘照數遞加

燒燬河工料物

一失火燒燬河工料物如有借端捏掩者將該

管官革職究追若巡查不力燒燬料價數在

一千兩以下者將該管官議處

例載處分則  
例河工門

勒限一年賠完限滿不完降一級留任全完

開復如再一年不完照所降之級調用一千

兩至五千兩者該管官降三級留任戴罪賠

補限一年賠完開復限滿不完照所降之級

調用加級紀錄俱不准抵銷離任後仍勒限



一年不完革職五千兩以上者革職暫免離  
任戴罪賠補限一年賠完開復限滿不完革  
任其降調革職革任人員俱留工勒限一年  
追完如不賠完著落家產追賠

河標葦蕩營兵丁拔補外委

一河標葦蕩營戰守兵丁勤勞出力首先採柴完繳并能熟練弓馬者准其拔補外委千總把總如採辦遲延運交短少不能練習弓馬者卽行責革照例追賠

河工廳營互相稽察

一河工預備料物以廳員爲專管官守備爲兼管官修做埽工以守備爲專管官廳員爲兼管官互相稽察如廳員預備料物不能依限全到守備據實揭報者免議倘容隱不報經該管上司查出將兼管之守備照例議處至營員修做埽工不能如式經歷員據實揭報或廳員容隱而該管上司查出將專管之守

備照例議處

例載處分則  
河工門